

IBhayibheli LaBantwana  
Likulethela

UJesu Wondla  
Abantu  
Abangu-5000



Ibhalwe ngu: Edward Hughes

Kwabonakala ngu: Janie Forest; Alastair P.

Ifanekiswe ngu: Ruth Klassen

Itolikwe ngu: Goodwill Sithembiso Gwala

Ikhizwe ngu: Bible for Children

[www.M1914.org](http://www.M1914.org)

©2022 Bible for Children, Inc.

iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.



Abaholi abaningi benkolo (ababizwa ngokuthi amaFarisi) baqamba amanga ngoJesu. Abanye bazama ukumbulala.



Abakholwanga ukuthi Wayeyi Ndodana kaNkulunkuku ngempela. Abazange bamemukele noma wayenza izimangaliso ezazikhomba ukuthi



uyiNdodana  
kaNkulunkuku.



Ngolunye usuku, uJesu wawela ulwandle lwaseGalile. Mhlawumbe wayefuna ikhefu kancane ezixukwini ezazihlezi zimuzungezile. Kodwa izixuku zashesha

zamthola. Babazi ukuthi uJesu wenza izimangaliso. Babefuna ukuba Naye.



UJesu waholelela abafundi bakhe endaweni eyayihlane lapho ayehleli khona, efundisa.

Abantu abaningi bebelokhu beza.

Ngokushesha kwase kuyisidlo


sakusihlwa. Wonke

umuntu kumele ngabe


wayeselambile.



UJesu wabuka isixuku. "Sizozithengaphi izinkwa ukuze badle laba?" Wabuza uFiliphu. Zazingekho izitolo zokudla. UJesu wayehlela ukwenzani?



“Kuzobiza izimali ezishisiwe ukondla lesisixuku,”  
UFiliphu ephendula uJesu. UJesu nabafundi bakhe  
babengenayo imali eningi.







Omunye wabafundi,  
u-Andreya (umfowaboka  
Simoni Petru) wathi  
kuJesu: "Kunomfayana  
lapha onezinkwa zebhali  
ezinhlanu nezinhlanzi  
ezimbili ezincane, ..."




“... kodwa ziyini phakathi kwabaningi kangaka?”  
U-Andreya akabonanga ukuthi ukudla kwasemini  
komfana kungaphakela abantu abaningi kangaka -  
noma ngisho umfana wayezimisele ukunikeza uJesu  
ukudla kwakhe kwasemini.



UJesu wathi, "Hlalisani abantu phansi." Ahlala  
amadoda, umumo wawo kungathi izinkulungwane  
eziyisihlanu. Hawu! **IZINKULUNGWANE**  
**EZIYISIHLANU!** Lokho kwangungabafaki  
abasifazane  
nezingane  
ezazilapho.



Ngokulandelayo, uJesu wathatha izinkwa nezinhlazi. Kwamele ukuba umfana omncane wayemethemba uJesu. Wayengazi kungani uJesu wayefuna ukudla kwakhe kwasemini, noma uJesu wayezokwenzani ngakho.



Kungenzeka ukuthi wacabanga,  
"Uma nginikezela ngokudla  
kwami kwasemini, angikwazi  
ukudla." Kodwa wamunikeza  
uJesu noma kunjalo.




Kwase-ke, uJesu  
wakhuleka. Wabonga  
uNkulunkulu. Ebongela  
izinkwa enzinhlanu  
nezinhlanzi ezimbili  
nah? Yebo! UJesu  
wathi "Ngiyabonga"  
kuNkulunkulu wamcela  
ukuba abusise ukudla.



Ngemva kokuthandaza,  
uJesu wahlephula  
izinkwa nezinhlanzi  
wazinika abafundi  
abahlanganyela nabo  
phakathi kwesixuku  
esikhulu. Kulapho abantu  
babona isimangaliso  
uJesu asenza. Umuntu  
ngamunye wadla konke  
akufunayo. Nokho  
izinkwa nezinhlanzi  
akuphelanga.




Ngemva kokuba wonke umuntu esephakelwe, kwakusele izinkwa nezinhlanzi eziningi. "Buthani imvuthuluka ukuze kungamosheki lutho," uJesu etshela abafundi bakhe. Base bagcwalisa iziqabetho eziyishumi nambili imvuthuluka yezinkwa eziyisihlanu zebhali ezashiywa ngabadlileyo.





Ngalolo suku, UJesu wondla abantu  
abangaphezu kuka-5000 ngesidlo  
somfana omncane sasemini. Ngesinye  
isikhathi, wasuthisa abantu  
abangaphezu kuka-4000  
ngezinkwa  
eziyisikhombisa  
nezinhlanzi  
ezimbalwa.



Lapho abantu abavamile bebona lezi zimangaliso, abazange bethukuthele njengabaFarisi. Kunalokho bathi, "Lo ngumProfethi ozakuza ezweni ngempela." Babazi ukuthi uJesu wayengumSindisi ukuza Kwakhe okwathenjiswa eZwini likaNkulunkulu eliNgcwele.



UJesu Wondla Abantu Abangu-5000

Indaba evela kwiZwi laNkulunkulu, iBhayibheli,

Itholakala

Johane 6

“Ukwambulwa kwaMazwi Akho kuyakhanyisa.”

AmaHubo 119:130



Yaphela



Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu: Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16

